

**SEMINAR *INTERNATIONAL PUBLIC SECTOR AUDITING STANDARD (IPSAS)*
DARI 19 – 20 JUN 2012 DI AKADEMI AUDIT NEGARA**



Jabatan Audit Negara Malaysia (JANM) dengan kerjasama Badan Pemeriksa Keuangan Republik Indonesia (BKPRI) telah menganjurkan seminar *International Public Sector Auditing Standards (IPSAS)* dari 19 hingga 20 Jun 2012 di Akademi Audit Negara. Program ini merupakan salah satu aktiviti di bawah Memorandum Persefahaman (MoU) bagi Pengauditan Sektor Awam antara JANM dan BPKRI. Seminar ini diadakan bagi tujuan perkongsian ilmu dan pengalaman dengan para peserta berkenaan isu dan cabaran dalam melaksanakan IPSAS di BPKRI. Bapak Dedy Eryanto dan Bapak Basiswanto Wiratama dari BPKRI merupakan penceramah jemputan bagi seminar ini.

Antara topik yang dibincangkan adalah Pengenalan kepada IPSAS, Penyediaan Standard Perakaunan Kerajaan (SAP) Indonesia, Perbezaan antara IPSAS dan SAP Indonesia, Struktur Kerajaan Indonesia dan Jenis Penyata Kewangan bagi Kerajaan Pusat dan Kerajaan Tempatan Indonesia.

Seminar ini dihadiri oleh 40 peserta dari Sektor Audit Kerajaan Persekutuan, Akademi Audit Negara, Sektor Audit Khas & Penyelidikan, Sektor Audit Kerajaan Negeri dan Sektor Audit Badan Berkanun Persekutuan Jabatan Audit Negara Malaysia.